

MBUMBANO YA DZITSHAKA DZA LIFHASI LOTHE

Mbofho ya zwa Pfanelo dza Vhathu Lifhasi Lothe

Mbofho ya zwa Pfanelo dza Vhathu Lifhasi Lothe

Mbumbano ya Dzitshaka dza Lifhasi Lothe

Muhasho wa zwa Nyandadzamafhungo a Tshitshavha

Mafhungo a u rangela

Nga ja 10 Nyendavhusiku nga nwaha wa 1948, Buthanonyangaredzi ja Mbumbano ya Dzitshaka dza Lifhasi Lothe jo tanganedza na u divhadza Mbofho ya zwa Pfanelo dza Vhathu Lifhasi Lothe, mafhungo nga vhuðalo o bveledzwa kha masiañari a tevhelaho.

Nga murahu ha vhukando uhu he ha tou vha ha divhazwakale, Buthanonyangaredzi jo ita khuwelelo kha mashango othe ane a vha mirado uri a andadze Mbofho ya zwa Pfanelo dza Vhathu na “u vhona uri i phaðaladzwe, i taniwe i vhalwe na u talutshedzwa zwikoloni na kha zwiñwe zwiimiswa zwa pfunzo. Hu si na khethululo nga zwa kuvhusele kwa shango”.

Mbavhalelo ya u fusha pfanelo dza vhatu i tou vha mbiluni ya dzangano ja Mbumbano ya Dzitshaka. I khou lavhelela uri milioni ya vhatu i vhe na vhatshilo hune ha vha na mbofholowo, tsireledzo na ndaka. Mbofho ya zwa Pfanelo dza Vhathu Lifhasi Lothe ndi ya ndeme musalauno na izwo kale nga tshifhinga tshe ya tiwa ngatsho. Ndi a fulufhela vha ðo ita uri i vhe tshipiða tsha vhatshilo havho.

[Ban Ki-moon's signature]

Ban Ki-moon

Muñwaleli-pharaphara

Vhatu vhoðhe vha bebwa vhe na pfanelo dzine dza eðana dzine vha sa tei u dzhielwa nahone vhe na mbofholowo dza ndeme.

Mbumbano ya Dzitshaka dza Lifhasi Lothe yo dinetshedza u dzhiela n̄ha, u t̄tuwedza khathihi na u vhulunga pfanelo dza muñwe na muñwe. U dinetshedza uhu hu bva kha Tshata ya Mbumbano ya Dzitshaka Dzothe (United Nations Charter), ine ya ombedzela fulufhelo ya vhatu lifhasi lothe kha mafhungo a pfanelo dza vhatu dza ndeme, khathihi na vhuthu na ndeme ya tthisikwa tshi ne tsha vha muthu.

Mbofho ya zwa Pfanelo dza Vhathu Lifhasi Lothe kha Mbumbano ya Dzitshaka yo amba nga ndila dzine dza vha khagala, nahone dzo leluwaho nga ha uri pfanelo dza muñwe na muñwe dzi a edana.

Pfanelo idzi ndi dzavho.

Ndi pfanelo dzavho,

Kha vha dzi qivhe.

Kha vha thusen ga u bveledza na uri dzi vha thusen vhone vhanne khathihi na muthu wothe sa shaka lavho.

Mbofho ya zwa Pfanelo dza Vhuthu Lifhasi Lothe

Mvulatswinga

Sa izwo u qivhea ha u dzhiela n̄ha lwa mvele ya tshirunzi tsha muthu na ndingano na pfanelo dza vhatu vhothe zwi murango wa mbofholowo, vhulamukanyi na mulalo lifhasini,

Sa izwo u dzhielwa fhasi na u tsikeledza ha pfanelo dza vhatu ho bveledza zwiito zwa vhuveru vhu fhandulaho luvalo lwa muthu, na u da ha shango line khalo vhatu vha do diphina nga mbofholowo ya u amba na u tenda kha zwine vha funa, na u vhofholowa kha nyofho na zwe dzhiwi sa dzangalelo jihulwane ja vhatu zwavho,

Sa izwo zwi zwa ndeme, arali muthu a sa do kombetshedza nga u shaya iñwe ndila, u vutshela vhutambudzi na vhutsikeledzi, uri pfanelo dza vhuthu dzi tsireledzwe nga u shumisa mulayo,

Sa izwo zwi zwa ndeme u t̄tuwedza mvelaphanda ya vhukonani havhuđi vhukati ha dzitshaka,

Sa izwo vhatu vha Mbumbano ya Dzitshaka vho khwađisedza kha Tshata lutendo lwavho kha pfanelo dza vhatu dza ndeme, kha tshirunzi na ndeme ya vhuvha ha muthu na kha ndingano ya pfanelo dza vhanna na vhafumakadzi na uri vho qimisela u

untuwedza mvelaphanda ya zwa matshilisano na tshiimo tsha khwine tsha vhutshilo kha mbofholowo khulwane,

Sa izwo Mashango ane a vha Mirado o divhofha u swikelela u bveledza thuthuwedzo ya thonifho na u tevhedzwa ha pfanelo dza vhathu na mbofholowo dza vhuhogwa a tshi shumisana na Dzangano la Mbumbano ya Dzitshaka,

Sa izwo u psesesa ha pfanelo idzi na mbofholowo zwi zwa ndeme khulwane kha uri mbofho iyi i bveledzwe nga vhudalo,

Zwino, Zworalo,

Buthanonyangaredzi la Mbumbano ya Lifhasi Lothe

Ji khou rwela taro **Mbofho ya zwa Pfanelo dza Vhathu Lifhasi Lothe**
sa thone tshikalo tshine tsha nga shumiswa nga nnyi na nnyi tshine tsha tea u swikelelwa nga vhathu vhothe na tshaka dzothe, kha u vhona uri muthu muewe na muewe na muraodo muewe na muewe wa tshitshavha, e na Mbofho iyi ngelekanyoni yawe, u do lusa nga u tou funza na u shumisa pfunzo u bveledza phanda thonifho ya pfanelo idzi na mbofholowo a tshi shumisa maga o bvelaho phanqa, kha vhuimo ha lushaka na ha tshaka dzo fhambanaho, u vhona uri izwi zwi dzhielwa nthia na u tevhedzwa vhukati ha vhathu vha Mashango ane a vha Mirado na vhathu vhanne vha vha kha vhupo vhu re fhasi ha ndaulo ya mashango ayo.

Tshiteiwa 1

Vhathu vhothe vha bebwa vhe na mbofholowo nahone vha tshi lingana siani la tshirunzi na pfanelo. Vhathu vhothe vho newa mihibulo na mvalo ngauralo vha tea u konou farana sa vhathu vhathihi.

Tshiteiwa 2

Muthu muewe na muewe u na pfanelo na mbofholowo dzo bulwaho kha Mbofho uyu, hu si na u khethululwa hufhio sa kha murafho, muvhala, mbeu, luambo, vhurereli, polotiki kana muhumbulo muewe-vho, vhubvo ha tshitshavha kana u tshilisana, ndaka, mabebo kana tshiimo tshiwe-vho. Nga nthia ha izwi, a hu na khethululo ine ya do itelwa muthu hu tshi tevhelwa tshiimo tsha zwa polotiki, mulayo kana tshiimo tsha shango kha dzitshakatshaka kana vhupo vhune muthu a bva khaho, hu nga vha hu re na vhudilangi, hu ha fulufhelo, hu sa divhusi kana hu re kha vhuimo ho pimiwaho nga vhudivhusi.

Tshiteiwa 3

Muthu muewe na muewe u na pfanelo ya vhutshilo, mbofholowo na tsireledzo yawe sa muthu.

Tshiteiwa 4

A hu na muthu ane a do dzheniswa kha zwa vhuphuli kana vhushumeli; zwa vhuphuli na mbambadzo ya dziphuli zwi do iledzwa nga ndila dzothe.

Tshiteiwa 5

A hu na muthu ane a ḥo tambudzwa kana u farwa nga ndila ya tshiṭhu, i songo teaho muthu kana u farwa kana u tarafia nga ndila i tsitsaho tshirunzi.

Tshiteṇwa 6

Muthu muñwe na muñwe u na pfanelo dza u dzhiwa sa muthu fhethu huñwe na huñwe phanda ha mulayo.

Tshiteṇwa 7

Vhathu vhothe vha a lingana phanda ha mulayo nahone vho tewa nga tsireledzo ya mulayo i eḍanaho, hu si na khethululo. Vhathu vhothe vha na pfanelo ya tsireledzo i eḍanaho kha khethululwo i pfukaho Mbopho uyu na kha ḫuṭhuwedzo iñwe na iñwe malugana na khethululo yo raloho.

Tshiteṇwa 8

Muthu muñwe na muñwe u na pfanelo ya ndamulelo ya khoru dza lushaka dzi re na vhukoni kha vhukando vhu pfukaho pfanelo dze a ḥewa nga ndayotewa kana mulayo.

Tshiteṇwa 9

A hu na muthu ane a ḥo farwa, u valelwa kana u shakuliswa hu si na tshiitisi.

Tshiteṇwa 10

Muthu muñwe na muñwe o fanewa, nga u eḍana ho fhelelaho, u thetsheleswa lwo teaho nga dzulo ḥa nnyi na nnyi na hone ḥo ḫimisaho nga ḥothe ḥi sa dzhihi sia, musi hu tshi khou tiwa pfanelo dzawe na mbopho dzawe na mulandu muñwe na muñwe wa vhugevhenga une a hweswa.

Tshiteṇwa 11

(1) Muthu muñwe na muñwe o hweswaho mulandu wa vhugevhenga u na pfanelo ya u dzhiwa a si na mulandu u swika zwenezwo o no wanwa mulandu zwi tshi ya nga mulayo tsengoni ya tshitshavha, he a wana ḫodea dzothe dza u ḫipilela malugana na mulandu wonoyo.

(2) A hu na muthu ane a ḥo wanwa mulandu nga n̄hani ha nyito kana u sa ita nyito, zwe zwa vha zwi si mulandu nga fhasi ha mulayo wa lushaka kana wa dzitshakhhatshaka nga tshifhinga tshe mulandu wa itea ngatsho. Ha ngo tewa na u lat̄isa lwo kalulaho u fhirisa ndaṭiso ye ya vha yo tiwa nga tshifhinga tshe mulandu wa itea ngatsho.

Tshiteṇwa 12

A hu na muthu ane a ḥo dzhenelelwā kha zwa ene muñe, muñta wawe, haya kana vhudavhidzani, kana u ḫaselwa ha ḫompho na tshirunzi tshawe, zwo sokou itwa kana hu si na tshiitisi tshi no pfectse. Muthu muñwe na muñwe u na pfanelo ya tsireledzo ya mulayo malugana na u dzhenelelwā honoho kana u ḫaselwa.

Tshiteṇwa 13

(1) Muthu muñwe na muñwe u na pfanelo ya mbofholowo ya u tshimbila na vhudzulapo nga ngomu mikanoni ya shango jiñwe na jiñwe.

(2) Muthu muñwe na muñwe u na pfanelo ya u bva shangoni jiñwe na jiñwe, ho katelwa na lawe, na u humela kha shango lawe.

Tshiteñwa 14

(1) Muthu muñwe na muñwe u na pfanelo ya u ḥoda na u qiphina nga pfanelo dza vhafhalali kha mañwe mashango malugana na u tsireledzwa kha u tovholwa.

(2) Pfanelo iyi i nga si shumiswe hune u hweswa mulandu ha vha hu si ha vhugevhenga ha politiki, kana zwiito zwi fhambanaho na ndivho na mirando ya Dzangano ja Mbumbano ya Dzitshaka.

Tshiteñwa 15

(1) Muthu muñwe na muñwe u na pfanelo ya u vha na lushaka lune a wela khalwo.

(2) A hu na muthu ane a ḥo thivhelwa u vha wa lushaka lune a wela khalwo kana a hanelwa pfanelo ya u shandukisa lushaka lune a wela khalwo.

Tshiteñwa 16

(1) Vhanna na vhafumakadzi vha miñwaha yo vhinaho vha na pfanelo ya u dzhena kha zwa mbingano na u vha na muña hu si na u thivhelwa nga zwa murafho, lushaka kana vhurereli. Vhothe vha na pfanelo dzi linganaho siani ja mbingano, vha kha mbingano na musi i tshi fhela.

(2) Mbingano i ḥo dzenelwa fhedzi nga vhathu vhanne vha khou malana vho vhofholowa nahone hu na thendelano yo fhelelaho.

(3) Muña ndi tshipiqa tsha tsiko nahone tsha ndeme kha tshitshavha ngauralo wo tea u tsireledzwa nga tshitshavha na Muvhuso.

Tshiteñwa 17

(1) Muthu muñwe na muñwe u na pfanelo ya u vha na ndaka o qimisa nga eþe kana o tangana na vhañwe.

(2) A hu na muthu ane a ḥo dzhielwa ndaka hu si na tshiitisi tshi no pfectesea.

Tshiteñwa 18

Muthu muñwe na muñwe u na pfanelo ya mbofholowo ya muhumbulo, luvalo na vhurereli; pfanelo heyi i katela mbofholowo ya u shandula vhurereli hawe kana zwine a tenda khazwo, na mbofholowo a eþe kana e na vhañwe na musi e khagala kana fhethu ho dzumbamaho, u sumbedzisa vhurereli hawe kana zwine a tenda nga u funza, nyito, u rerela na u tevhedza.

Tshiteñwa 19

Muthu muńwe na muńwe u na pfanelo ya u vha na mihumbulo yawe na u amba; pfanelo heyi i katela mbofholowo ya u vha na mihumbulo hu si na u dzenelwa, na u kona u ḥoda kana u wana mafhongo na u phaḍaladza mafhongo na mihumbulo hu tshi shumiswa nyandazamafhongo hu sa sedzwi mikano.

Tshiteńwa 20

(1) Muthu muńwe na muńwe u na pfanelo ya mbofholowo ya u kuvhangana nga mulalo na nyandano.

(2) A hu na ane a ḥo kombetshedzwa u vha murado wa nyandano.

Tshiteńwa 21

(1) Muthu muńwe na muńwe u na pfanelo ya u shela mulenzhe kha muvhuso wa shango lawe, nga ene muńe kana nga vhaimeleli vhe a ḥikhethela o vhofholowa.

(2) Muthu muńwe na muńwe u na pfanelo ya u kona u wana tshumelo ya vhathu i no lingana kha shango lawe.

(3) Lufuno lwa vhathu lu ḥo vha lwone murango wa maandalanga a muvhuso, hezwi zwi ḥo bveledzwa nga khetho dza vhukuma dzine dza ḥo vha hone nga zwifhinga two tiwaho, nahone khetho idzi dzi ḥo vha dza vhathu vhothe nga u lingana nahone u khetha hu ḥo vha ha tshidzumbe kana ha shumiswa mańwe maga a u khetha nga mbofholowo.

Tshiteńwa 22

Muthu muńwe na muńwe, sa murado wa tshitshavha, u na pfanelo ya u wana tshumelo ya tsireledzo ya zwa u tshilisana, nahone u na pfanelo ya u konou swikelela pfanelo dza ikonomi, u tshilisana na mvelele zwine zwa ḥodea kha tshirunzi tshawe na u bveledza vhuvha hawe a tshi tikedzwa nga nungo dza lushaka na tshumisano ya dzitshakatshaka zwi tshi ya nga nzudzanyo na zwiko zwa Muvhuso muńwe na muńwe.

Tshiteńwa 23

(1) Muthu muńwe na muńwe u na pfanelo ya u shuma, mbofholowo ya u khetha mushumo, nyimele ya mushumo yo teaho nahone i ḥanganedzeaho khathihi na u tsireledzwa kha vhushayamushumo.

(2) Muthu muńwe na muńwe u na pfanelo, hu si na khethululo, ya u wana malamba ane a lingana na a vhańwe kha mushumo une wa fana.

(3) Muthu muńwe na muńwe ane a shuma u na pfanelo ya u wana malamba o teaho nahone ane a ḥanganedzea u itela uri ene na muńe wawe vha konou tshila vhutshilo vhu re na tshirunzi, na u dovha u ḥadziswa, arali two tea, nga dzińwe tsireledzo dza zwa u tshilisana.

(4) Muthu munwe na munwe u na pfanelo ya u vhumba kana u vha murado wa madzangano a vhashumi hu u itela tsireledzo ya madzangalelo awe.

Tshiteńwa 24

Muthu muñwe na muñwe u na pfanelo ya u awela na u ḋigedā, hu tshi katelwa awara dzo pimiwaho dza u shuma na u awela ho tiwaho hu re na muholo.

Tshiteńwa 25

(1) Muthu muñwe na muñwe u na pfanelo ya vhuimo ha vhutshilo ho teaho mutakalo na u tshila zwavhuđi hawe na muća wawe, hu tshi katelwa na zwiliwa, zwiambaro, vhudzulo na mbavhalelo ya dzilafho na tshumelo dza u tshilisana, khathihi na pfanelo ya tsireledzo musi hu na vhushayamushumo, vhulwadze, vhuholefhali, vhutshilikadzi, vhualuwa kana iñwe nyimele ya vhutshilo ine muthu a sa kone u i langa.

(2) Vhomme na vhana vha tea u wana thuso zwa tshipentshela. Vhana vhothe, hu sa sedzwi uri vho bebwa mbinganoni kana nnđa ha mbingano, vha ḋo wana tsireledzo ya zwa u tshilisana i no fana na ya vhañwe.

Tshiteńwa 26

(1) Muthu muñwe na muñwe u na pfanelo ya pfunzo. Pfunzo i ḋo ḅekedzwa hu si na mbadelo kha mirole ya fhasi kana ya u ranga ine ya vha ya vhuthogwa. Pfunzo ya mirole ya fhasi i ḋo vha khombe-khombe. Pfunzo ya zwa thekhikhala na zwa phurofesheni i ḋo itwa uri i wanale na pfunzo dza n̄ha dzi ḋo swikelelea nga ndila i linganaho ho sedzwa vhukoni.

(2) Pfunzo i ḋo vha i livhiswaho kha u bveledzisa vhuvha ha muthu wothe na u khwañhisedza ḅhonifho ya pfanelo dza vhuthu na mbofhollowo dza ndeme. I ḋo ṭuṭuwedza u pfectesa, u kondelana na vhukonani vhukati ha dzitshaka, mirafho kana zwigwada zwa vhurereli, nahone i ḋo bvisela phanđa mishumo ya Dzangano ja Mbumbano ya Dzitshaka ya u itela uri hu vhe na mulalo.

(3) Vhabebi vha na pfanelothangwa ya u nanga pfunzo ine ya ḋo ḅekedzwa vhana vhavho.

Tshiteńwa 27

(1) Muthu muñwe na muñwe u na pfanelo ya u shela mulenzhe kha kutshilele kwa mvelele ya tshitshavha o vhofholowa, u ḋiphina nga vhutsila na u vha na mukovhe kha zwa mveledziso ya saints na mbuelo yazwo.

(2) Muthu muñwe na muñwe u na pfanelo ya tsireledzo kha mikhwa na dzangalelo ja ndaka zwi bvaho kha zwibveledzwa zwa saints, mañwalo kana vhutsila zwine a vha muñwali wazwo.

Tshiteńwa 28

Muthu muñwe na muñwe u na pfanelo ya nzudzanyo ya u tshilisana na ya zwa mashango a dzitshakatshaka zwine pfanelo na mbofhollowo zwo sumbedzwaho kha uyu mulevho zwi nga bveledzwa nga vhudalo.

Tshiteńwa 29

(1) Muthu muñwe na muñwe u na mishumo kha tshitshavha ine ya ita uri vhuvha hawe vhu kone u bvelela nga vhudalo nahone nga mbofholowo.

(2) Musi muthu muñwe na muñwe a tshi khou shumisa pfanelo na mbofholowo dzawe, u tea u ita izwi a tshi dzhiela n̄tha ndango ya mulayo wo itelwaho fhedzi u tsireledza pfanelo na mbofholowo dza vhañwe vhathu na u vhona uri hu vhe na u dzhielwa n̄tha ha mikhwa ya kutshilele, vhudziki na kutshilele kwavhuđi kwo teaho tshitshavha tsha demokirasi

(3) Pfanelo na mbofholowo idzi a dzi tei u shumiswa nga nđila yo fhambanaho na ndivho na mirando ya Dzangano ja Mbumbano ya Dzitshaka

Tshiteñwa 30

A hu na na tshithihi tshi re kha Mbofho iyi tshine tsha nga dzhiwa tshi tshi amba pfanelo iñwe na iñwe ine i nga shumiswa kha zwiñwe na zwiñwe kana u ita iñwe nyito yo livhiswaho kha u thutha iñwe na iñwe ya pfanelo na mbofholowo zwo bulwaho afha malugana na Muvhuso, tshigwada kana muthu.

Mañwalwa aya o bveledzwa nga vha Muhasho wa zwa Nyandadzamafhungo a Tshitshavha wa Mbumbano ya Dzitshaka. DPI/876/Rev3-07 – 07-30950-Shundunthule-2007.40M